

KODAK
LICENSED PRODUCT

M

Y

KODAK Gray Scale



赤水玄珠

十八

武
5/6
198



門中武
子16
190



赤水玄珠第十八目錄

癩狂癩門

顫振

癩癧

瘰癧門

不得卧 附多卧

煩躁

健忘

赤水玄珠

卷之十八

素問厥論篇曰陽明之厥則癲疾欲走呼腹滿不
得卧面赤而熱妄見而妄言長刺節論篇曰病
之初也歲一發不治月一發不治月四五發名
曰癲病又通評虛實論篇曰癲疾厥狂久逆之
所生也脉搏大滑久自已小堅急死不治虛可
治實則死

靈樞癲狂篇曰癲疾始生先不樂頭重痛視舉目
赤甚則極已而煩心喘呼喘悸先反僵因而脊
痛又有骨癲筋癲脉癲嘔多沃沫氣下泄者不

治又曰癲疾者疾發如狂者死不治據此言疾
死不治可見癲
在非一病也

素問奇病論篇黃帝曰人生而有病癲疾者病名
何安所得之岐伯曰病名為胎病此得之在母
腹中時其母有所大驚氣止而不下精氣并居
故令子發為癲疾啓文子註曰癲謂
上巔即頭首也
綱目曰以其病在頭巔故曰巔疾治之者或吐痰
而鉅高越之或鎮墜痰而從高抑之或內消其
痰邪使氣不逆或隨風寒暑濕之法用輕劑發

散上焦或針灸頭中脉絡而導其氣皆可使頭
顛脉道流通孔竅開發而不致昏眩也是知癩
癩之癩與厥成癩疾眩冒癩疾之癩一疾也王
註悞分癩為二疾獨孫真人始能一之今特冠
此氣亂頭癩等經文於癩癩篇首使人知疾有
所歸而治有所據也

玉機微義曰按內經言癩而不言癩古方以癩癩
或併言或言風癩或言風癩或言癩狂所指不
一蓋癩病歸于五臟癩病屬之於心故今以風

癩另立一門而癩狂合為一門也

生生子曰按此以風癩另立一門明其不與癩狂

相類則是之矣而云癩狂合為一門今終集考

之並無癩狂門目豈未之補歟

孫兆治相國寺僧克忽患癩疾半年名醫皆不効

召孫療之孫曰但有鹹物儘與食之但待云渴

可來取藥今夜睡着明日便愈也至夜僧果渴

孫乃與酒一角調藥一服與之有頃再索酒與

之半角其僧遂睡兩晝夜乃覺人事如故僧謝

赤心珠 卷之十八
之問其治法曰衆人能安神矣而不能使神昏
得睡此乃靈苑方中硃砂酸枣仁乳香散也人
不能用耳

辰砂散

治風痰諸癩狂言妄走精神恍惚思慮

迷亂乍歌乍哭飲食失常疾發仆地吐沫戴目
竟魄不守醫藥無驗

辰砂

光明有牆壁者一兩

酸枣仁

微炒半兩

乳香

兩

各為末右量患人能飲酒幾何先令恣飲但
勿令吐至靜室中以前藥都作一帖溫酒調

下作一盞調之令頓飲如飲酒素少者但隨
量取醉服藥訖便安置床枕令卧病淺者半
日至一日病深者二三日冷家人伺之鼻息
勻調但勿喚覺亦不可驚觸使覺須待其自
醒則神魄定矣萬一驚寤不可復治正肅吳
公少時心病服此一劑五日方寤遂瘥
經云悲哀動中則傷魂竟傷則狂妄不精不
精則不正此悲哀傷竟而狂當用溫藥補魂
之陽仲景方以地黃湯本事驚氣丸之類即

是也

經云喜樂無極則傷魄，魄傷則狂。狂者意不存，入此喜樂，傷魄而狂。當用涼藥補魄之陰，辰砂、鬱金、白礬之類是也。

濟世方 治失心

鬱金

七兩 頂四川 脾旺者乃真

明礬 三兩

為末，薄糊為丸，桐子大，每六十九湯水，任下。昔有婦人癲狂，數年不愈，後遇至人，授此方。初服覺心胸中有物脫去，神氣洒然，再服頓

甦。至人云：此病憂驚得之，痰聚心竅，此藥能去鬱疾。

○明狂症

靈樞癲狂篇曰：狂之始生也，先自悲也。喜怒善怒，善怒得之憂飢，及狂之發，少臥不飢，自高賢也。自辨智也，自貴倨也。善罵詈，日夜不休，狂言驚善笑，好歌樂，妄行不休者，得之大恐，目妄見耳妄聞，善呼多食，善見鬼神，善笑而不發于外者，得之有所大喜。

林億公曰狂為痰火盛實癲為心血不足狂病

大吐下

生生子曰據此言心血不足者乃醫治攻剋太過以致中氣餒弱而神志不定非癲病一起初便有此不足症也

丹溪曰神不守舍狂言妄作經年不愈如心經蓄熱當清心除熱如痰逆心竅當去痰寧心大率多因痰結於心胸間治當鎮心神開痰結亦有中邪而成此疾者大藥是熱又曰狂病宜大呼

下則除之

素問云陽厥強怒飲以鐵落狂怒出于肝肝屬木鐵落金也以金制木

之意予曾用數次果効考本草餘治鬼打鬼注安心神治驚邪主癲癇鎮心熱狂走除胃膈中痰涎

病能篇帝曰有病狂怒者此病安生岐伯曰生于陽也帝曰陽何以使人狂岐伯曰陽氣者因暴折而難決故善怒也病名曰陽厥曰何以知之曰陽明者常動巨陽少陽不動而動大疾此其候也曰治之奈何曰奪其食即已夫食入

於陰長氣于陽故奪其食即已使之服以生鉄
落為飲生鉄落者下氣疾也

夫狂之為病少則少則衛獨行陽不行陰故陽
盛陰虛令昏其神得睡則衛得入於陰而陰得
衛填則不虛陽無衛助不盛故陰陽均平而愈
矣

王海藏治許氏病陽厥狂怒罵詈親疎或哭或歌
六脉舉按無力身表如水后發則叫呼聲高內
經云奪其食即已因不與之食乃以大承氣湯

東下之得臟腑積穢數并狂稍寧數日復發下如
此五七次行大便數斗疾瘥身温脉生良愈此
內經奪食法也

保命當歸承氣湯

當歸

大黃

各一兩

芒硝

七錢

甘草

五錢

右每二兩水一大碗姜五片束十枚煎至一
半温服若陽狂奔走罵詈不知親疎此陽有
餘陰不足大黃芒硝去胃中實熱當歸補血
益陰甘草緩中加姜棗者胃屬土此引入胃

也經所謂微者逐之甚者從之此之謂也以
大利為度微緩以瓜蒂散入防風末藜蘆末
吐之其病立安後用調心散洗心散涼膈散
解毒湯等調之安

明癰症

生生子曰癰痰火所致前人有稱為風癰者劉河
間謂由熱甚而風燥為其兼化涎溢胸膈而癰
癢昏冒僵仆也

東垣曰病癰者涎沫出于口冷汗出于身清涕出

于鼻皆陽踳陰踳督衝四脉之邪上行腎不任
煎熬沸騰上行為之也此奇邪為病不係五行
陰陽十二經所拘當從督衝二踳四穴奇邪之
法治之

癰症亦從衝任督三脉氣逆而發者當尋此三脉
治之○督脉尋長強擗骨間灸之○任脉尋氣
海陰交衝脉附足少陰脉上行去中行各五分
陰交穴乃任脉陰衝之會

潔古曰晝發灸陽踳夜發灸陰踳各二七壯陽踳

起於跟中循外踝上行入風池申脉穴也陰痿亦起于跟中循內踝上行至咽喉交貫衝脉照海穴也

劉宗厚曰癰與瘰相類而實不同其病發身軟時醒者謂之癰身強直反張如弓不時醒者謂之瘰瘰病隨其痰之潮作故有時而醒瘰病比癰為甚而有挾虛者故因其昏胃而遂致亡者多矣

綱目曰癰癰即頭眩痰在膈間則眩微不吐痰溢

膈上則眩甚仆倒于地而不知人名之曰癰癰徐嗣伯云大人曰癰小兒曰瘰其實一疾也然與中風中寒中暑尸厥等仆倒不同凡癰癰仆時口中作聲將省時吐涎沫省後又復發時作時止而不休息中風中寒中暑尸厥之類則仆時無聲省時無涎沫後不復發間有發者亦非如癰癰常發狀也

千金方云病先身熱掣瘰驚啼叫喚而後發瘰脉浮者為陽瘰病在六腑外在肌膚猶易治也病

先身冷不驚掣不啼呼而病發時脉沉者為陰
癩病在五臟內在骨髓為難治也劉宗厚謂此
論癩之陰陽後世有認為寒熱者悞也蓋此疾
皆以痰熱所作而得在表而淺為陽故云易治
入裏而深為陰故曰難治乃表裏淺深之謂非
寒熱之謂也

張子和曰夫癩病不至目瞪如愚者用三聖散投
之更用火盆于煖室中令汗吐下三法並行次
服通聖散百餘日則愈矣至于目瞪愚者不可

治內經曰神不守謂神亂也大凡此疾乃肝經
有熱吐後可服瀉青丸下之劉宗厚謂多由風
痰膠固胸膈上下故大法先宜吐之吐後可用
清熱之藥如東垣安神丸守真龍會丸之類皆
可服不獨通聖散也痰實在裏不解宜導痰清
熱亦不獨瀉青丸也

劉宗厚曰按癩病古方或云風或云驚癩或云癩
癩由此疾與中風顛狂急慢驚相類故命名不
同也原其所由或在母腹中受驚或因聞大驚

赤心錄

而得蓋小兒神氣尚弱驚則神不守舍舍空則
痰涎歸之或飲食失節脾胃有傷積為痰飲以
致痰迷心竅而作者治法必當尋火尋痰而論
前人多用鎮降清心之藥固可以治熱可以清
痰若有頑痰膠固者此藥未易驅逐在上者必
先用吐吐後方宜服此更有痰實在裏者亦須
下之隨病輕重而用也或曰癰有陰陽何也予
曰此與急慢驚者可同論也陽癰不因吐下由
其有痰有熱客于心胸之間因聞大驚而作若

盛熱雖不聞驚亦自作也宜用寒藥以攻治之
陰癰亦本于痰熱既作醫以寒涼攻下太過損
傷脾胃變而成陰宜用溫平補胃燥痰之藥治
之若曰不因壞症而有陰陽之分則是指痰熱
所客表裏臟腑淺深而言癰病豈本自有陰寒
者哉

丹溪曰癰屬驚與痰不必分五等大率行痰為主
黃芩黃連瓜蒌半夏南星隨痰火多少治之無
有不愈有熱以涼藥清其心此症必用吐

赤水

卷

七

吐後用平肝之藥青代柴胡川芎之類
素問大奇論篇云心脉滿大癰瘰筋挛肝脉小急
癰瘰筋挛

凡灸癰必須先下之乃可灸不然則氣不通能殺
入針則不拘鳩尾穴必高丰乃可下針但宜
灸亦不可多壯壯多則令人健忘

心癰面赤心下熱短氣喘息灸巨缺三壯

肝癰面青反視手足搖動灸血墟三壯

脾癰面黃腹大善利胃腕并腕傍一寸各三壯衝

陽隱白

肺癰面白口吐沫灸肺俞少商少陽各三壯

腎癰面黑正直視身不搖如尸厥金戶少海至陰

湧泉各三壯刺二分

治癰之劑始治多用攻痰法繼以養心壯神補劑收功

礬丹丸 治五癰五癰無拘陰陽冷熱

毓丹 晉礬各一 右用磚鑿下窠可容二兩

許先安丹在下次安礬在上以炭五斤煨令

炭盡取出研細以不經水猪心血為丸如菜

豆大每服十九至二十九橘皮湯下

元戎二白丸 治癩與癰

白礬一兩以濕麩包蒸熟去麩入輕粉三五分

量虛實加減丸如桐子大每服二三十丸生

姜湯下小兒丸小些

鷓鴣頭丸

皂角五條

鷓鴣頭一枚燒存性 號丹五錢研細

右末糯米糊為丸菜豆大每服十五丸加至

二十九米飲下

神應丸 治風癩及服其痰隨糞而下

生明礬兩一 臈茶錢五

右末蜜丸桐子大每服三十九臈茶下

乳硃丹

乳香 硃砂飛

右用乳香焙化拌和硃砂丸如龍眼大每服

下丸以側柏葉浸酒磨化溫服

天冬散 治風癩脇痛耳鳴吐逆

天門冬去心 乾為末酒調下二錢

寶鑑龍腦安神丸 治男婦五種癩癩無問遠近

發作無時 地骨皮 麥門冬 桑白皮

甘草 人參各二兩 茯神三兩 馬牙硝二錢

射香 冰片各三錢 牛黃五錢 烏犀一兩

硃砂二錢 金箔大者五帖

右細末煉蜜丸彈子大金箔為衣如風癩病

冬月溫水化下夏月凉水化下不拘時二三

歲者日進二服小兒一丸分作二服 虛勞

發熱咳嗽新汲水化下

茯苓丸 常服治心疾良驗 茯苓 辰砂

人參 石菖蒲 遠志 茯神 茯苓 辰砂

飛 南星 半夏麩 真鐵粉各等分

右末姜汁打糊丸桐子大另用辰砂為衣每

服十九加至三十九夜卧姜湯下

養心湯 治心虛血少驚惕癩疾 黃耆 茯苓 茯神 半夏 川歸 川芎各五錢

酸棗仁 栝子仁 五味子 人參

遠志 桂心各二錢半 甘草炙四錢 加姜枣水煎服

行水逐痰

十八卷

五

加赤茯苓檳榔治停水怔忡

星黃湯治心風及邪祟

南星 大黃 等分水煎服 吐痰

蓋珠丸 治心恙及邪祟

猪心血 硃砂兩一 乾青靛花匙一

先將猪心血同靛花研勻入硃砂末和丸

子大每二十九茶酒任下 甚者不過三服

治癩癘經驗方一宗先服此一劑伐邪

竹茹錢一 半夏錢八 枳實 橘紅 甘草各

分五 山梔炒黑 玄明粉 灯草各三 加姜束

水煎服

第二次服方可服三劑又服前方一劑又再服此

方三劑 人參錢一 黃芪錢五 歸身錢一 百合錢二

酸枣仁生三分 熟酸枣仁四分 貝母 小草各一

麥門冬五分 白芍藥吳茱萸炒 甘草梢三分

茯神 酒紅花各二分 姜片三 束枚二 水煎服

第三方服前二方半月覺神氣稍完繼服此藥

紫河車一具洗淨砂鍋煮爛入鹽少許與服後

赤水送服

半月勿服藥覺少減又服前方一劑第二方三劑又再服下項九藥仍將前一藥間服九藥方

牛膽南星錢八 真牛黃錢四 辰砂錢三 真射香錢三

煮甘草膏為丸芡實大金箔為衣薄荷湯下九

清神湯 治痰迷包絡心熱癲痴

茯神 黃連錢各二 酸枣仁炒 石菖蒲 栝子

仁肉 遠志錢各一 甘草分五 水煎服

痰盛者加南星半夏橘紅瓜蒌竹瀝姜汁

海藏治癲癇狂邪不欲眠自賢自智妄行不休此

方能安五臟下心氣

白雄雞一隻煮熟五味調和作羹粥食之

仲景防已地黄湯 治病如狂狀妄行獨語不休

無寒熱其脉浮 防已錢一 桂枝 防風各三

甘草錢二 右以酒一杯漬一宿絞取汁生地黃二

斤蒸之如斗米飯久以銅器盛其汁更絞地

黃汁和勻分三服効 一醉膏 治心恙 無灰酒二碗香油四兩和勻

一用楊柳枝二十條逐條攪一二百下候香油與酒相入成膏煎至八分灌之熟睡則醒時或吐下即安矣

治狂之劑

瀉心湯 治心受積熱譫語發狂踰牆上屋

大黃 黃芩 黃連

每四錢水煎服瀉數行然後用安神藥調理

苦參丸 治狂發無時披髮大叫殺人避水火

苦參為末蜜丸梧子大每服十五丸薄荷湯下

調胃承氣湯 治狂方在火熱門

大承氣湯 治陽明大實發狂 方在傷寒門

抱膽丸 治癲狂不定非輕劑所能愈者

水銀二兩 黑鉛半兩 辰砂 乳香 各一兩

右將鉛入銚內熔化離火畧冷入水銀攪硬

研碎入辰砂乳香乘熱用柳木槌搗勻丸如

芡實大每服一丸灯心湯下病者得睡切莫

驚動覺來即安再進一丸又方以猪心血為

丸井水吞下用治狂言妄語

牛黃瀉心湯 治心經邪熱狂言妄語心神不安

牛黃 冰片 硃砂 各一錢半 大黃 生一兩

右末每服三錢生薑蜜水調下

六神散 治發狂 此三方皆禁食

寒水石 黃連 童便炒 各一兩 丹皮 錢三 青礞石 煨

龍膽草 各五錢 冰片 分二 右末童便調下

鎮心丹 治驚悸自汗心煩短氣喜怒悲惡不自

知忘魂失魄狀若神靈所憑及男子遺泄女子

帶下 辰砂 飛 白礬 枯

右末水丸雞豆大每一九人參湯下

婦人熱入血室發狂不認人以保命集牛黃膏妙

牛黃 二錢 硃砂 鬱金 丹皮 各三錢 甘草

冰片 各一錢 右末煉蜜丸束子大新汲水化下

本事方寧志膏 治狂不睡

人參 酸棗仁 各一兩 辰砂 錢五 乳香 半錢

右末煉蜜丸彈子大每一九薄荷湯化下

予疾弟緣兵火失心與此方服二十九良愈

親舊多傳去服之皆驗

○治癩之劑

碧霞丹 治五種癩疾時作搐掣痰涎壅塞牙關

緊急心神迷悶目睛上視

石碌研九度附子尖七枚烏頭尖七枚蜀梢七枚

右末麵糊丸芡實大每用薄荷湯化下下丸

更以酒半合溫服之須臾吐出痰涎然後隨

症治之口噤者斡開灌之

仲景風引湯 除熱治癩癩又治木人風引少小

驚癩瘰癧日數十發醫所不療又治脚風

大黃 龍骨 乾姜各四兩 桂枝三兩 甘草 牡蠣

名二兩 寒水石 赤石脂 白石脂 滑石 石

膏 紫石英各六兩 右粗末以韋囊盛之取三指

撮井花水三升煮三沸溫服一升治風熱瘰癧

呷之無不効不用渣

犀角丸 治風癩癩發作有時揚手擲足口吐痰

涎不省人事暗倒屈伸

犀角末五錢 赤石脂三兩 朴硝二兩 白姜蚕一兩

薄荷葉一兩 右末麵糊丸梧子大每服二十九

赤水珠

八世

三

至三十九温水下日三服不拘時如覺痰多
即減數忌油膩燻灸

楊氏家藏五癩丸 治癩癧不問新久並宜服之

南星 泡烏蛇肉 酒浸一宿去皮骨焙乾 白礬 各一兩 辰砂 二錢

半全蝎 尾二錢去 半夏 酒洗焙 雄黃 一錢 蜈蚣 半條

去頭姜 蚕半炒兩 白附子 兩炮半 射香 錢三 皂角 兩四

足炙 右先將皂角搗碎水半升揉汁與白礬同熬

乾為末入各藥末以姜汁打麵糊丸桐子大 每服三十九丸姜湯下

丹溪金丸丸 治諸癩

明礬 鬱金 防風 牙皂角 各一兩 川芎 二兩

蜈蚣 一條 右末蒸餅糊丸梧子大空心茶下十

五丸一日除根

錢氏五色丸 治五癩

辰砂 錢五 水銀 半二錢 雄黃 飛 玳瑁 珠 一兩 鉛 三兩 同水

右朱蜜丸麻子大每四五丸金銀薄荷湯下

三因六珍丹 治風癩失性顛倒欲死或作五畜

等聲掣縱吐沫久而方甦

丹砂五錢 水銀半兩 鉛二兩 雄黃 雌黃

珍珠各一兩 右細末煉蜜丸梧子大每服三五丸

姜東湯下丸此藥須要搗二三萬杵不然難

嚴氏控涎丸 治諸癩久不愈頑涎聚散時

生川烏 半夏 姜蚕不炒以生薑自然 全蝎

去尾七枚 鐵粉三錢 甘遂二錢

右生薑自然汁打薄糊為丸棗壹大硃砂為

衣每服十五丸食後姜湯下忌甘草此下痰

劑也

千金龍膽湯

治嬰兒血脉盛實四肢驚掣發熱

并諸驚癩 龍膽草 鈎藤 柴胡 黃芩

桂枝 芍藥 茯苓 甘草各六錢 螻蛄二枚

大黃兩一 右水一升煮取五合服之

本事人參散 治諸癩并慢脾風神昏痰盛

人參五錢 南星一兩 切片以生薑汁并漿

右每服一錢姜三片水煎服加冬瓜仁少許

斷癩丹 治因驚成癩者

黃芪 鈎藤 細辛 半夏 南星 菖蒲各三

赤火

錢 蟬退 甘草 桂心 遠志 防風 露蜂
 房 各二 杏仁 二錢 煉蜜 九菴豆 大用 硃砂 麝少
 許 為衣 每服 二十九丸 東湯 下日 二服 夜一服
 甘遂丸 甘遂 不銚者 三錢 為細末 將猪心 剖開
 入甘遂 以線縛定 用紙裹 數層 慢火 煨熟 不可
 令焦 取甘遂 乘潤 入辰砂末 一錢 搗勻 作四丸
 每服 一丸 猪心 煮湯 下
 蛇黃丸 蛇黃 小者 二十枚 以猪膽汁 拌勻 入火
 煨通紅 取出 地上 出火毒 研極細 右用狗膽

一枚 取汁 和粟米飯 九菴豆 大 每服 十五丸
 溫酒 下吐涎 乃効
 蛇黃丹 治諸癩 及小兒急驚風
 蛇黃 四枚 磁蓋 內煨紅 以白附子 南星 辰
 砂 另研 麝香 各五 右末 粳米糊 丸 桐子 大 每服 量
 大小 或一二丸 或三五丸 溫酒 米湯 任下
 當歸龍膽丸 治腎水陰虛 風熱蘊積 時發驚悸
 癩瘡 即龍會丸 方在脇痛門
 補胃燥痰丸 治陰癩 服涼藥太過 損傷脾胃

白朮錢二 蒼朮 陳皮 半夏 南星 茯苓各一
 木香錢一 藿香分七 甘草分四 甚者加附子分五
 姜五片水煎服

寶鑑沉香天麻丸 治小兒四歲因長老摩頂
 受記生人念呪恐懼發搐痰涎有聲目多白睛
 強項背一時許方醒後每見皂衣人即發多服
 犀珠腦射鎮墜之藥已四年餘無功又添行步
 動作神思如痴脉沉弦而急針經云心脉滿大
 癩痺筋挛病以氣弱多服鎮墜寒涼之劑復損

正氣故添動作如痴先灸兩躡各二十七壯次服
 此藥
 又肝脉小急盖小兒神氣尚弱因而被驚神思
 無依又動于肝肝主筋故癩痺筋挛
 沉香 益智 川烏錢各二 天麻 防風 半夏
 附子炮各三錢 羌活錢五 甘草 當歸 姜蚕錢各一
 獨活錢四 經云恐則氣下精氣怯而上焦閉以
 羌活獨活苦溫引氣上行又入太陽為引用以
 為君天麻防風辛溫以散之當歸甘草辛甘溫

赤水珠

以補氣血之不足養胃氣以為臣附子川烏益
智太辛溫行陽退陰又治客寒傷胃腎主五液
入脾為涎以生姜半夏燥濕化痰沉香辛溫躡
重氣清去怯安神故以為使 每服五錢生姜
三片水煎去渣溫服食前三劑愈

劉宗厚曰按癰症本從熱治然亦有壞症而成陰
者如錢仲陽所治王氏子吐瀉諸醫藥下之至
虛變慢驚手足痺癱而身冷醫復與八正散錢
氏曰不能食而胃中虛若利大小便即死久則

脾腎俱虛當身冷而閉自必用益黃散東君子
丸補脾遂能飲食後又不語錢氏以地黃丸補
腎一月而安皆此意也此方用大熱之藥乃從
權以救前治之失非常治之道也

蜜佗僧 治暗風癩癩以開痰迷心竅
蜜佗僧成塊者纏以鐵線又用鐵線掛火中煨
紅用酒醋下升淬盡出火毒為極細末每服一
錢射香湯調下

許學士驚氣丸 發則牙關緊急涎潮昏塞醒則

赤水珠

卷

五

精神看痴

附子 木香 姜蚕 白花蛇 橘紅 天麻

麻黃 乾竭 天南星 姜汁浸一夜各五錢 蘓子 一兩

硃砂 二錢半

右為末加冰射少許煉蜜丸如龍眼大每服
一丸金銀薄荷湯化下溫酒亦可此予家秘
方也一軍人犯法臨刑得釋縛精神頓失如
痴與一丸服訖而寐及覺病已失矣一婦因
避盜失心數年授此方不終劑而愈又一婦

狂厥者十年諸治不驗予授此方去附子加鉄
落亦不終劑而愈鉄粉非但化痰鎮心至如摧
抑肝邪特異若多恚怒肝邪大盛鉄粉能制伏
之此金制木之意也

顛振門

生生子曰顛振者非寒禁鼓慄乃木火上盛腎陰
不充下虛上實實為痰火虛則腎虧法則清上

補下

新寨馬叟年五十九因秋欠稅官杖六十得驚氣

成風搖已三年矣病大發則手足顛掉不能持
物食則令人代哺口目張眩唇舌嚼爛抖擻之
狀如線引傀儡每發市人皆聚觀夜卧發熱衣
被盡寒遍身燥痒中熱而反外寒久欲自盡手
不能繩傾產求醫至破其家而病益堅叟之子
邑中舊小吏也以父母病訊戴人戴人曰此病
甚易治若降暑時不過一涌再涌奪則愈矣今
已秋寒可三之如未更刺膺穴必愈先以通聖
散汗之繼服涌劑則痰一二升至鏡又下五七

行其疾小愈待五日再一涌出痰三四升如鷄
黃成塊狀如湯熱叟以手顛不能自探妻與代
探咽嗑腫傷昏憤如醉約一二時許稍省又
下數行立覺足輕顛減熱亦不作足亦能步手
能中櫛自持匙筋迷至三涌病去如濯病後但
覺極寒戴人曰當以食補之久則自退蓋大疾
之去衛氣未復故宜以散風導氣之藥切不可
以熱劑溫之恐反成他病也
生生子曰據戴人此治非真知其為痰火盛實者

莫敢如此療也木之有餘由金之衰弱病既久
恐亦有始同而終異者况吐汗下之後謂絕不
必補養得乎病之輕者或可用補金平木清痰
調氣之法在人自斟酌之

摧肝丸 鎮火平肝消痰定顫

膽星 鈎藤 黃連 滑石 飛鐵華粉 各一

青黛 姜蚕 天麻 辰砂 大甘草

錢二 右末以竹瀝一碗姜汁少許打糊丸菴壹大

食後及夜茶下一錢五分忌鷄羊

本事鈎藤散 治肝厥頭搖眩運能清頭目

鈎藤 陳皮 半夏 麥冬 茯苓 各七分 人參

甘菊 防風 石膏 甘草 各五分

姜二片水煎服

參朮湯 氣虛顫掉

人參 白朮 黃芪 茯苓 甘草 陳皮

錢各一 甚者加附子 水煎服

統旨秘方補心丸 心虛手振

當歸 生地 川芎 甘草 人參 各一

赤水

卷

卷

栢子仁 酸棗仁 各三兩 遠志 去心二兩 辰砂 飛
 膽星 各五錢 金箔 二十片 麝香 錢一 琥珀 錢三 石菖蒲 錢六
 茯神 去皮心 七錢 為末 餅糊丸 菜豆大 辰砂為衣
 每七八十九津唾嚥下 或姜湯下
 統旨秘方定心丸 老人戰動風氣所致及血虛
 而振 天麻 蒸熟 秦艽 去全尾 細辛 各一兩
 熟地 生地 川歸 川芎 芍藥 各二兩 防風
 荆芥 各七錢 白朮 黃芪 各兩 葳靈仙 酒洗 五錢
 為末 酒糊丸 梧子大 每服七八十九丸 食遠白

湯或酒送下

痺癢門

生生子曰 痺縮也 癢伸也 伸縮不止 手如拽鋸 搐
 之類也 汗多不止 為虛無汗 能食為實
 內經曰 心脉急甚者 為痺癢 此心經虛寒 治宜補
 心牛黃散之類
 又曰 心脉滿大 癩痺筋挛 此心火實熱也 治宜瀉
 心火涼膈丸主之
 又曰 肝脉小急 亦癩痺筋挛 此肝虛也 宜續命丸

赤水

大

三

主之若肝脉盛宜救脾加減建中湯內經謂脾
脉急甚亦為痺痿此脾虛肝乘之而痺也故宜
實玉瀉木之劑建中湯是也

蜀河間曰諸熱瞽瘳皆属于火熱勝風搏并于經
絡風主動而不寧風火相乘是以瞽瘳生矣治
以祛風滌熱之劑折其火熱瞽瘳立愈若妄加
灼艾或飲以發表之劑則死不旋踵矣

東垣人參益氣湯 熱傷元氣四肢困倦手指麻
木時時瘳瘳 黃芪 甘草 升麻 柴胡

分六 五味子 三十 甘草 生五分 人參 一分 白芍 分

水煎服

獨活湯 風虛昏瞶不自知覺手足瘳瘳或為熱
血虛不能服發汗藥及中風自汗尤宜服之

獨活羌活 人參 防風 川歸 細辛 茯
神 遠志 半夏 桂心 白薇 菖蒲 川

芎 各五錢 甘草 炙二錢 每十兩姜五片煎溫服

胃風飲 虛風症能食麻木牙關緊急手足瘳瘳
目肉蠕動胃中有風面腫

赤白痢疾

白芷一錢二分升麻二錢葛根 蒼朮 蔓荊子

川歸身各一錢甘草 訶胡 藁本 羌活

草豆仁 黃柏 麻黃各五分姜三片 枣二

枚水煎溫服

千金薯蕷丸 腎氣虛弱風氣百疾頭眩驚悸癱

瘕 薯蕷廿八分當歸十分桂心七分神曲炒熟地黃

人參各十分川芎 芍藥 白朮 麥冬 杏仁

各六分 甘草二十分柴胡 桔梗 茯苓各五分鹿角

膠七分乾姜三分白斂各三分防風 黃芩各六分大豆

黃卷七分大東百枚右末和東膏加煉蜜丸如

彈子大空心酒服一丸日三服

續斷丸 肝勞虛寒脇痛脹滿眼昏不食牽縮癰

癰 續斷酒浸川芎 川歸 半夏姜炙橘紅 乾

姜炮各一兩桂心 甘草炙各五錢

右末煉蜜丸桐子大每百丸白湯下

牛黃散 心虛風筋脉牽搐神昏語澁

牛黃 冰片 硃砂 射錢各一錢蟬退 烏蛇肉

各一兩 全蠍炒姜蚕炒桑螵蛸 羚羊角 天麻

阿膠 防風 甘菊 桂心 細辛 蔓荊子

側子去皮 獨活 犀角各五錢 麻黃七錢半

右為末和勻再研每服一錢荳淋酒下

續命煮散 風氣留滯心中昏瞶四肢無力口眼

聾動或時搐搦或渴或自汗

防風 獨活 當歸 人參 細辛 葛根

熟地黄 芍藥 川芎 甘草 遠志 荆芥

半夏各五錢 官桂七錢半 每一兩姜三片煎汗多者

加杜礪一錢半

獨活散治風熱化痰 細辛 石膏 甘草各五錢

獨活 防風 藁本 旋覆花 川芎 蔓荊

子各一兩 右每服三錢姜三片水煎服

瘧門 附勞風

生生子曰內經云肺移熱于腎傳為柔瘧瘧古云

瘧勁切之謂也仲景諸公傷寒書皆以為太陽

風濕所致亦有蕪陽明經者仲景謂汗下過多

及瘡家發汗過度皆成瘧此指外感之邪原係

傷寒家法也陳無擇張子和諸公云亦有風火

痰熱之內因者謂此病多由亡血筋無所營故
邪得以所釀丹溪謂比癰為虛此皆指內傷之
症也觀剛柔二字則亦當有虛實之別大抵剛
者多從外感柔者多從內傷故治斯疾者但明
知從外感而來則用傷寒家法若從雜症而來
則用陳無擇丹溪劉宗厚張子和諸家之法庶
表裏詳盡始無遺此失彼之患矣

內經云諸瘧項強皆屬于濕王注太陽陽傷濕又云諸暴強
直皆屬于風王注陽內鬱劉宗厚云按內經言

瘧肺腎太陽督脈與夫六氣皆能為之 大抵皆
主于濕

仲景云太陽病發熱無汗反惡寒者名曰剛瘧
成無已曰瘧者瘧也強也千金曰太陽中風重
感寒濕則變瘧太陽病發熱無汗為表實則不
當惡寒今反惡寒者則太陽中風重感于寒為
瘧病也以表實感寒故曰剛瘧
太陽病發熱汗出不惡寒者名曰柔瘧
成無已曰太陽病發熱汗出為表虛則當惡寒

其不惡寒者為陽明病今發熱汗出而不惡寒者非陽明証則是太陽中風重感于濕為柔瘧也表虛感濕故曰柔瘧

太陽病發熱脈沉而細者名曰瘧

成無已曰太陽主表太陽病發熱為表病脈當浮大今脈反沉細既不愈則太陽中風重感于濕而為瘧也金匱要畧曰太陽病其証備身體強不不然脈反沉細此為瘧括萎桂枝湯主之太陽病發汗太多因致瘧

成無已曰太陽病發汗太多則亡陽內經曰陽氣者精則養神柔則養筋陽微不能養筋則筋脈緊急而成瘧也

病身熱足寒頸項強急惡寒時頭熱面赤目赤獨搖頭卒口噤背反張者瘧病也

成無已曰太陽中風為純中風也太陽中寒為純傷寒也皆不作瘧惟是太陽中風重感寒濕乃變為瘧也身熱足寒者寒濕傷下也時頭熱面赤目赤風傷于上也頭搖風主動也獨頭

搖者頭為諸陽之會風傷陽也若純傷風者身亦為動搖手足為之搖擻此皆內挾寒濕故頭搖也口噤者寒主急也卒口噤者不常噤也有時而緩若風寒相搏則口噤而不時開此皆加之風濕故卒口噤也足太陽之脉起于目内眦上額交巔上其支別者從巔入絡腦還出別下頰循肩膊內夾脊抵腰中下貫腎以下至足風寒客于經中則筋脉拘急故頸項強急而背反張也

風病下之則瘥復發汗必拘急

瘥家雖身疼痛不可發汗汗出則瘥

劉宗厚曰按此謂汗下而致瘥則不專于風寒濕之外傳矣是又因壞證而成也發汗下之太過皆亡津液損血之所由也

劉宗厚曰按瘥症屬風寒濕所傷有汗者脉必浮緩無汗者脉必浮緊若其脉沉細者溫所傷也堅直上下行皆緊之象也發汗已其脉如蛇亡津液而無胃氣之象也

子和云呂君玉妻年三十病風搖目眩角弓反張
數日不食諸醫皆作驚風暗風癩治之以南
星雄黃烏附用之不效戴人曰諸風掉眩皆屬
肝木曲直搖動風之用也陽主動陰主靜由火
盛制金金衰不能平木肝木茂而自病因湯風
痰二三升次以寒劑下十餘行又以排針刺百
會穴出血一升愈

劉宗厚曰按風搖本與瘧症不同而瘧症屬濕土
極必蕪風木動搖之化風搖屬木木極必見金

燥緊欬之形要之亦可同論故取此條以證瘧
病不專風寒濕之外至亦有風火熱之內作者
三因方云夫人之筋各隨經絡結束于身血氣內
虛外為風寒濕熱之所中則瘧以風散氣故有
汗而不惡寒曰柔瘧寒泣血無汗而惡寒曰剛
瘧原其所因多由亡血筋無所營故邪得以襲
之所以傷寒汗下過多與夫病瘡人及產後致
于斯疾者聚可見矣診其脉皆沉伏絃緊但陽
緩陰急則久久拘挛陰緩陽急則反張強直二

證各異不可不別

丹溪曰瘧切不可作風治兼用風藥 大率與癩相似比癩為甚為虛宜帶補 多是氣虛有痰有痰宜用人參竹瀝之類 一男子二十餘歲患瘡瘡屢謝後忽患口噤不開四肢強直不能屈時或逸臍腹痛一陣則冷汗如雨痛定則汗止時作時休其脈絃緊而急如真弦狀向知此子極勤苦意其因勞倦傷血山居多風寒乘虛而感又因瘡瘡其血愈虛當用辛溫養血辛涼

散風遂以當歸芍藥為君川芎青皮鈞藤白朮陳皮甘草為佐桂枝木香黃連為使更加紅花少許服二十帖而安

王海藏云發汗太過多因致瘧身熱足寒項強惡寒頭熱面腫目赤頭搖口噤背反張者太陽瘧也 若頭低視下手足牽引肘膝相構陽明瘧也 若一目或左右邪視并一手足搐搦者少陽瘧也汗之止之積之下之各隨其經可使必已 在表無汗宜汗之有汗宜止之陽明瘧屬

裏宜下之少陽症半表半裏宜和之所謂各隨其經也

劉宗厚曰謹按傷寒症病活人以太陽中風又感寒濕而致則專于外邪所傷然仲景亦有汗下過多之戒則又出于壞証所成矣蓋外邪所傷者通宜解散仲景言剛柔活人分陰陽雖知論經絡等諸方詳矣至于治壞証補虛救失之法諸方則亡也又千金謂濕病熱入腎中亦為瘧小兒病癩熱盛亦為瘧若此治法俱未見之也

况此二者之外又有血氣本虛之人如產後汗出多而變瘧者或因七情怒氣而發瘧者或因濕熱內盛痰涎壅遏經絡而作瘧者治各不同也大抵傷寒有外邪之可解宜用風藥發散風寒又風藥亦能勝濕耳至于邪熱入腎亦非風藥之所能療也其內證作瘧本無外邪前人豈可仍用風藥處治惟宜補血降火敦土平木清痰去濕隨證而用不可不察也

海藏云若汗後不解不靜不躁目直視口噤伴來

寒熱脈弦者少陽風症宜柴胡防風湯

柴胡 防風 各一兩 人參 黃芩 各五錢 半夏 六錢

生姜 甘草 各六錢 每服一兩水煎服

若發汗過多發熱頭面燥卒口禁背反張者大陽

無陽明也宜去風養血防風當歸散主之

防風 當歸 川芎 地黃 每服一兩水煎

神木湯 治剛症解利無汗

蒼朮 防風 甘草 姜蔥水煎服

白朮湯 加桂心黃芪治柔症解利有汗

白朮 防風 甘草 每服五錢姜三片

水煎服一日二服漸汗止為解

仲景葛根湯 太陽無汗而小便少氣上衝胸口

噤不得語欲作剛症者

葛根 麻黃 生姜 桂枝 芍藥 甘

草 大棗 每服五錢煎服取微汗

若發熱無汗惡寒名曰剛症宜麻黃加獨活防風

湯 麻黃 桂枝 芍藥 甘草 獨活

防風 每服一兩水煎溫服

瓜蒌桂枝湯 太陽病其証備身體強不九然脉

反沉遲此為柔痊

瓜蒌根 甘草 芍藥 桂枝 生姜

大棗 水九升煎取三升分三服取微汗

汗不出啜粥發之

海藏 治發汗自汗而不惡寒者名柔痊宜桂

枝加川芎防風湯 桂枝 芍藥 生姜 甘草 防風 川芎

各一兩 大棗 每服一兩水煎服

枝 芍藥 生姜 甘草 防風 川芎

凡剛柔二症皆可與小續命湯 但要識加減法

若柔痊自汗者去麻黃夏間及病有熱者減桂

枝一半冬及初春去黃芩

千金續命湯 卒中半身不遂手足拘急不得屈

伸身體冷或智或痴或身強直不語或生或死

狂言不可名狀角弓反張或欲溲食或不用食

大小便不利皆療之

人參 桂心 川歸 獨活 黃芩 甘草 炙

乾姜 炮各七 石膏 一兩 杏仁 四十 以水九升煮

赤文珠

散

解

取三升分温三服日二服無汗者加麻黃
若汗後不解不靜不躁目直視口噤得來寒熱脉
弦者少陽風症宜柴胡加防風湯

柴胡 防風各一兩 人參 黃芩各五錢 半夏六錢 生

姜 甘草各六錢 束三枚 每服一兩水煎

倉公當歸湯 賊風口噤角弓反張痺証

川歸 防風各七錢 獨活半兩 附子一枚 細辛五錢 麻

黃一兩 酒五升煮取三升服一升口不開者

格曰納之一服當蘇二服小汗三服大汗

活人八物白木散 陰瘧一二日面腫手足厥冷

筋脉拘急汗不出恐陰氣內傷

麻黃 白木 茯苓 五味子 羌活各五錢 桂

心 附子各三分 良姜一分 每四錢姜五片水煎服

附子散 陰瘧手足厥逆筋脉拘急汗出不止頭

項強直頭搖口噤

桂心 川芎各三錢 附子炮 白木各一兩 獨活五錢

每三錢束一枚水煎服

桂心白木湯 陰瘧手足厥冷筋脉拘急汗出不

正白木 防風 甘草 桂心 川芎 附

子 每五錢姜五片束二枚水煎温服

丹溪治虛婦因怒手足強直十指如束右手脉弦

虛左手脉弦大而強稍堅此風木攻脾土宜速

瀉肝氣助肺金補脾土之陰

黃連錢二 南星 白朮 人參 黃芩 天麻

川芎 木通 陳皮 青皮錢各五 甘草分一

水煎入姜汁辣服

肘後方 中風體強直不得屈伸反覆刮栝樹皮

細切一升以酒二升浸一宿每日温服半升酒

盡再作即栝實樹皮去風濕効

千金方 治口噤手足不隨而手体強直

伏龍肝五升以水七升攪勻取汁飲之

瘧瘧辯

生生子曰丹溪云瘧當在瘧傳寫之誤耳攷之諸

書亦未有能辯之詳註之確者惟郭雍氏云瘧

與瘧當是二病謂昔劉寅氏有言病以時發者

謂之瘧不以時發者謂之瘧似亦未能詳悉厥

後以其所歷見及治之効與不効者反覆考櫟
二症之名二字之義其用心可謂至勤至懇者
矣然終未解昭著允若故後之人疑其為二症
者不亦宜乎愚按靈素仲景以下諸書云瘧云
瘧字雖兩般治多雷同殆亦不必犁而為三也
苦辯之則愈支離膚見謂瘧乃病之名瘧乃病
之狀原其有剛柔二種以病發之時而經筋脈
絡僵勁角弓反張故曰瘧瘧是勁急也是以其
病發之狀象而名之也不然河歷代諸公或以

治瘧之方治瘧或以治瘧之方治瘧諸皆能効
治既同而不殊則症當一而不二也焉用分

勞風即瘧之類

丹溪云瘧比癰為虛蓋因勞汗遇風內挾太陽寒
濕之邪治亦與瘧同法但當視其所勞則知虛
在何臟如房勞則腎虛汗出腠理開風入皮膚
得寒則閉風不能出與水俱行其人當目下腫
如卧蚕之狀戴人云腎主水其經至于目下故
也不禁房室則死明其虛在腎也所以關於太

赤水玄珠

瘧疾

四

陽何也太陽主寒其經最在外腠理得寒則開故太陽先受邪也治宜八物白朮散倉公當歸湯
黃芪湯 汗多氣虛發瘧

黃芪 蜜炙 二錢 人參 白朮 茯苓 白芍 炒各一錢

甘草 炙八分 桂枝 五分 水煎服

當歸散 血虛及去血過多發瘧

當歸 酒洗 二錢 川芎 熟地 防風 黃芪 各一錢

芍藥 半錢 甘草 四分 水煎服

理氣平肝散 七情所傷發瘧

烏藥 香附 各一錢半 青皮 枳殼 芍藥 川芎

柴胡 木香 各一錢 甘草

姜三片水煎服木香磨水二匙加入

清痰湯 痰火攻作頑強口噤角張反瘧

山梔 黃芩 半夏 炮 橘紅 茯苓 瓜蒌仁

枳殼 貝母 香附 童便浸 各一錢 甘草 五分

水煎入竹瀝姜汁各三四匙食遠服

去濕青熱散

白朮 二錢 蒼朮 二錢 澤瀉 茯苓 天花粉 山

梔子 各一錢 羌活 七分 甘草 四分 水煎服

芎藭丸 治勞風強上冥視肺熱上壅唾稠

川芎 枳殼 等分 為末蜜丸桐子大每服三五

十丸食後溫水下日三服

祛風清金散 肺熱壅盛痰唾如膿

防風 括萎根 桔梗 枳殼 旋覆花 川

芎 各一錢 山梔 黃芩 貝母 瓜蒌仁 炒茯苓

天門冬 麥門冬 橘紅 各八分 五味子 十五粒 甘

草 四分 水煎服

生生子曰按內經評熱病論篇帝曰勞風之病何

如岐伯曰勞風發在肺下其為病也使入強上

冥視唾出若涕惡風而振寒此為勞風之病帝

曰治之柰何岐伯曰以救俛仰巨陽引精者三

日中年者五日不精者七日欬出清黃涕其狀

如膿大如彈丸從口中若鼻中出不出則傷肺

傷肺則死也

引精謂目中之精明引動能辨人與物也

啓玄子註曰勞風者從勞風生故曰勞風勞謂腎

勞也腎脈者從腎上實肝膈入肺中故腎勞風
生上居肺下也強上好仰也冥視謂今眼視不
明也腎精不足外吸膀胱膀胱氣不能上營故
使人頭項強而視不明也肺被風薄勞氣上薰
故令唾出若鼻涕狀腎氣不足陽氣內攻勞熱
相合故惡風而振寒肺傷則營衛散解魄不內
治故苑林氏謂強王者似角弓反張也冥視者
目開不見物也凡瘵病皆同不識人或反視斜
視也治法當與瘵同千金方冥視作目眩

不得卧

靈樞曰病而不得眠者何氣使然岐伯曰衛氣不
得入于陰常留于陽留于陽則陽氣滿陽氣滿
則陽驕盛不得入于陰則陰氣虛故目不瞑矣

大惑論

黃帝問于伯高曰夫邪氣之客入也或令人目不
瞑不卧出者何氣使然伯高曰五穀入於胃也
其糟粕津液宗氣分為三隧故宗氣積于胸中
出於喉嚨以貫心脉而行呼吸焉營氣者泌其

津液注之於脉化以為血以榮四末內注五臟
六腑以應刺數焉衛氣者出其悍氣之慄疾而
先行于四末分肉皮膚之間而不休者也晝日
行于陽夜行于陰常從足少陰之分間行于五
臟六腑今厥氣客于五臟六腑則衛氣獨衛其
外行于陽不得入於陰行于陽則陽氣盛陽氣
盛則陽痿陷不得入于陰陰虛故目不瞑黃帝
曰善治之柰何伯高曰補其不足瀉其有餘調
其虛實以通其道而去其邪飲以半夏湯一劑

陰陽已通其卧立至黃帝曰善此所謂決瀆壅
塞經絡大通陰陽和得者也頭聞其方伯高曰
其湯方以流水千里以外者八升揚之萬遍取
其清者五升煮之炊以葦薪火沸置秫米一升
治半夏五合徐炊令竭為一升半去其滓飲汁
一小杯日三稍益以知為度故其病新發者覆
杯則卧汗出則已矣久者三飲而已矣此去飲之劑也
內經曰胃不和則卧不安帝曰人之不能偃卧者
何也岐伯曰肺者臟之蓋也肺氣盛則肺大肺

大則不能偃卧

王海藏云膽虛不眠寒也

聖惠左酸東仁炒為末以竹葉湯調服

張子和治一富家婦人因思慮過甚二年不得寐

無藥可療其夫求治脉之兩手俱緩此脾受邪

也脾主思故也乃與其夫議以怒激之多取其

財飲酒數日不處一法而去其婦大怒汗出是

夜困眠如此者八九日不寤自是食其脉得平

此怒勝思法也

水腫病令人不得卧卧則驚則欬甚此水腫也

温膽湯治大病後虛煩不得眠或則驚悸極効

丹溪治煩不得眠益元散加牛黄服之

有心血不足而不寐者用益榮湯

仲景酸東湯治虛煩不得眠

酸東仁升二甘草兩一知母 茯苓 川芎各二兩

水八升煮酸東仁得六升內諸藥煎取三升

分温三服一方加生姜二兩

本事醫甲丸 膽虛不得眠四肢無力

酸東仁 醫甲 羌活 牛膝 黄芪 人參

五味子各等分 蜜九梧子大每四五十九温酒下

聖惠酸東地黄湯 骨蒸勞煩心不得眠

酸東仁一兩 水一大碗半研絞取汁下米二合煮

粥熟再入地黄汁一合更煮過不計時服之

六物湯治振悸不得眠 四君子加酸東仁生薑煎服

許學士珍珠母丸 肝虛內受風邪卧則寬散而

不收狀若驚悸

珍珠母另研末 當歸 熟地各一兩半 人參 茯苓

酸東仁 栝子仁 犀角各一兩 沉香 龍齒各五

錢 為末蜜九梧子大辰砂為衣每四五十九金

銀薄荷湯下日午及夜服下方多虎睛一

獨活湯 治同前相兼服對射香一錢

獨活 羌活 人參 前胡 細辛 半夏

酸東仁 沙參 茯苓 甘草 五味子各等分

每七錢姜三片烏梅一箇不拘時煎服

紹興癸丑予待次四明有董生者患神氣不寧

每卧則魂飛揚覺身在休而神竟離体驚悸多

魘通夕無寐更豎不効予為診視詢之曰豎作

何病治董曰衆皆以為心病予曰以脉言之肝
經受邪非心病也肝氣因虛邪氣散之肝藏魂
者也遊魂為變平人肝不受邪卧則魂歸于肝
神靜而得寐今肝有邪魂不得歸是以卧則魂
飛揚若離體也肝主怒故小怒則劇董欣然曰
前此未之聞雖未服藥已覺沉痾去體矣願求
治之予曰公且持此說與衆醫議所治之方而
徐質之閱旬日復至云醫徧議古今方無與病
相對者故予處此二方以贈服一月而病悉除

此方用真珠母為君龍齒佐之真珠母入肝經
為第一龍齒與肝同類也龍齒虎睛今人例以
為鎮心藥殊不知龍齒安魂虎睛定魄各言其
類也蓋東方蒼龍木也屬肝而藏魂西方白虎
金也屬肺而藏魄龍能變化故魂遊而不定虎
能專靜故魄止而有守予謂治魄不寧者宜以
虎睛治魂飛揚者宜以龍齒萬物有成理而不
失在夫人達之而已

益榮湯 血不足不寐及怔忡驚悸

當歸 黃芪 遠志 酸棗仁炒 茯神 栢子
仁 麥冬 白芍 人參 紫石英各一錢 木香
甘草五分 姜三片 枣二枚 水煎服

多卧

黃帝曰人之多卧者何氣使然岐伯曰此人腸胃
大而皮膚濕而分肉不解焉腸胃大則衛氣留
久皮膚濕則分肉不解其行遲夫胃氣者晝常
行于陽夜行于陰故陽氣盡則寐陰氣盡則寤
故腸胃大則衛氣行留久皮膚濕分肉不解則

行遲留于陰也久其氣不精則目瞑故多卧矣
其腸胃小皮膚滑以緩分肉解則衛氣留于陽
也久故少瞑焉黃帝曰其非常經也卒然多卧
者何氣使然岐伯曰邪氣留于上焦上焦閉而
不通已食若飲湯衛氣留久於陰而不行故卒
然多卧焉大感

海藏曰膽實多睡熱也

生束湯 治膽熱多睡

又生酸棗仁為末茶姜汁調服

又方 生酸枣仁兩一 膳茶兩二 以生姜汁塗炙

微焦為末每服二錢水七分煎六分溫服

醒睡湯 酸枣仁 沙參各一錢半 麥冬一錢 茯神 甘

草各五分 姜一片水煎服

煩躁門

仲景云煩屬肺躁屬腎火入於肺則煩入于腎則

躁太抵煩躁皆心火為病火旺則金燥而水虧

也惟火獨存故肺腎合而為煩躁又脾經絡于

心中心經起于脾中二經相搏濕熱生煩夫煩

者擾擾心亂不允欲吐怔忡不安

成無已曰煩為擾亂而煩躁為憤怒而躁合而言

之煩躁為熱也析而言之煩陽也躁陰也煩為

熱之輕者躁為熱之甚者

陳無擇曰內熱為煩外熱為躁又曰虛煩身不覺

熱頭目昏疼口乾咽燥不渴清又不寐皆虛也

婁英曰先賢治煩躁齊作有屬熱者有屬寒者獨

煩而不躁者多屬熱惟悸而煩者為虛寒躁不

煩者多屬寒惟忡者為熱蓋煩者心中煩或

胸中煩皆內熱也躁者身體手足躁擾或裸體不欲近衣或欲坐井中為外熱也內熱者有本之熱故多屬熱外熱者多是無根之火故屬寒生生子曰仲景成無己二公所論煩躁皆為太熱是祖內經夫熱病皆傷寒之類也乃傷寒家語言其邪自外而入至于煩躁皆為熱候予謂躁有陰陽煩有虛實陶節庵曰先煩而悸者為實先悸而煩者為虛又曰煩漸生躁有陰陽虛實之別心熱則煩陽實陰虛腎熱則躁陰實陽虛

煩為熱輕躁為熱重此亦傷寒家語也雜症之煩躁又各有虛實寒熱不同須當分別而治虛煩者心中擾亂精神不能任持似脹不脹悒悒悶飲食不甘美睡卧不安寧者是也治以養心血鎮火安神之劑如安神丸之類實煩者或心火熾盛或水飲痰涎停于胸膈壅悶不安者是也治以消痰逐飲散邪之劑如梔子豉湯蠲飲湯五苓散之類陽躁者煩渴欲飲憤激躁怒二便不利經云諸躁狂越皆屬于火者是也

治如丹溪用妙香丸之類陰躁者渴不欲飲極其躁擾或上熱下寒此為陰盛格陽為陽氣虛憊不能復入皇欲坐井中者是也治以理中湯四逆湯之類大抵煩症多屬於虛經曰夏脉者心也其不及及冷入煩心又云肝腎脾虛皆令入体重煩冤迹是知煩多由于虛也當尋傷寒法外之治今錄治方于左以備採用
內外俱虛身冷而汗出微嘔而煩擾手足厥逆不得安靜者死 熱病七八日其脉微細小便不

利加暴口燥脉代舌黑焦乾者死
保命集云起卧不安睡不穩謂之煩宜梔豉湯竹葉石膏湯

活人書云但獨熱者虛煩也諸虛煩熱與傷寒相似但不惡寒身不疼痛故知非傷寒也不可發汗頭不痛脉不緊數故知非裏實也不可下病此者內外皆不可攻之必遂煩渴當與竹葉湯若嘔者與陳皮湯一劑不愈再與之孫真人云此法數用有效

蘇林
卷
四

陳皮湯 陳皮半一兩 甘草炙 竹茹各五錢 人參半一錢

每服七錢姜二片東二枚水煎服

淡竹茹湯 心虛悶頭疼短氣內熱不解心中悶

亂及產婦心虛驚悸煩悶欲絕

麥門冬去心 小麦各二兩 甘草炙 人參 茯苓各

半兩 夏湯洗 二兩 每服四錢姜七片東二枚淡竹

茹一塊水煎服

東垣砒砂安神丸 心亂煩熱怔忡心神顛倒不

元欲吐胸中氣亂而熱有似懊懷之狀皆膈上

血中伏熱蒸々不安宜用權法以鎮陰火之浮

行以養上焦之元氣用甘草之甘溫補之當歸

生地又為長生陰血之聖藥黃連去心煩除濕

熱硃砂納浮游而安神明方見怔忡門

仲景下痢後更煩按之心下濡者為虛煩湯也 梔豉

丹溪治一女子年二十餘歲在室素強健六月間

發煩悶困憊不食發時欲入井六脉皆沉細而

弱數兩白後微渴衆以為病暑治不効四五日

加嘔而入瘦手心極熱喜在陰處漸成伏脉時

妄語予急製局方妙香丸如桐子大以井水下
 一丸半日許大便藥已出病無退減遂以射香
 水洗藥以針穿三竅次日以涼水送下半日許
 大便下稠痰數升是夜得睡困填伏枕旬日而
 愈因記金匱云昔肥而今瘦者痰也遂作此藥
 治之

妙香丸丹溪云疏決腸胃制伏木火藥也

辰砂飛五兩 牛黃 龍腦 膩粉 射研各兩 巴豆
三百五十粒去 金箔九十片 石研勻煉黃蠟六兩
 皮膜炒熟研

入好蜜三分同煉令勻為丸每兩作三十九
 如要此藥速行針刺一眼子冷水浸少時服
 効更速小兒百病九如菘豆大

遠志湯 治心虛煩熱夜卧不寧及病後虛煩

遠志去心 黃芪 當歸 麥冬 石斛 酸枣仁
炒各一分 人參 茯神各七分 甘草五分 水煎服

煩甚者加竹葉知母

竹葉湯 傷寒太病後及霍亂吐瀉後心虛煩悶
 肉熱不解 竹葉 麥冬 人參 茯苓 小

麥 半夏 各一兩 甘草 五錢 每六錢姜五片水煎服

小草湯 虛勞憂思過度遺精白濁虛煩不安

小草 黃芪 川歸 麥冬 石斛 酸枣仁

各一兩 人參 甘草 各五錢 每六錢姜五片水煎服

煎服

地仙散 傷寒後伏暑後煩熱不安及虛勞不安

地骨皮 二兩 防風 一兩 甘草 五錢 每六錢姜五片水煎服

片水煎服

竹茹麥冬湯 大病後表裏俱虛內無津液煩渴

心躁及諸虛煩熱與傷寒相似但不惡寒身不痛不可汗下者 淡竹葉 麥門冬 等分 每八錢水煎

酸枣仁湯 霍亂吐下後增劇虛勞煩擾奔氣在胸中不得眠或發寒熱頭疼暈悶

酸枣仁 一兩七錢半 人參 桂心 各二錢半 知母 茯苓

各三錢 石膏 五錢 甘草 二錢 每七錢姜末煎服

人參竹茹湯 胃口有熱嘔吐效逆虛煩不安

人參 五錢 半夏 一兩 分二帖加姜七片陳皮二

錢半竹茹一錢水煎服

竹茹石膏湯

大病後餘熱煩悶

溫膽湯

大病後虛煩不得眠及驚悸

五苓散

水停心下作瀉悸煩悶

清心蓮子飲

方見癰閉門

梔子豆豉湯

治邪在上焦

四逆湯

理中湯

健忘門

戴元禮曰健忘者為事有始無終言談不知首尾

此以為病之名非比生成之愚頑也

靈樞經曰人之善忘者何氣使然岐伯曰上氣不

足下氣有餘腸胃實而心氣虛則榮衛留于

下久之不以時上故善忘也

丹溪心法曰此証皆由憂思過度損其心胸以致

神舍不清遇事多忘病在心脾九思傷脾以故

令人轉盼遺忘治之以歸脾湯須兼理心脾神

寧意定其証自除也

歸脾湯

思慮過度勞傷心脾健忘怔忡

白朮 茯神 黃芪 酸棗仁各一兩 人參 木

香錢各五 甘草錢各二 每六錢姜三片棗二枚圓

眼肉五枚水煎服

定志丸 心氣不定恍惚多忘

遠志 石菖蒲各二兩 人參一兩 白茯苓三兩

右末煉蜜丸梧子大硃砂為衣每服三十丸

米飲下 一方加茯神

加味茯苓湯 痰迷心竅健忘失事

二陳湯加益智仁香附人參姜水煎服
讀書九 健忘服之日記千萬言

石菖蒲 兔系子 遠志各一兩 地骨皮二兩 生地

五味子 川芎各一兩 為末薄糊丸梧子大每服

二七八十九臨卧白湯下

孔子大聖枕中湯 常服令人聰明

龜甲 龍骨 遠志 菖蒲 各等分為末酒

服方寸七日三服

聖惠千金翼同 補心虛治健忘令人耳目聰明

以戊子日服之開心不忘

菖蒲遠志各等分為末每服方寸匕常服

令人耳目聰明從外見裏令人長生去三百

病毒不能為害

二丹丸安神定志和血治健忘

熟地黄 天門冬 丹參 茯苓 甘草

兩 遠志 人參 各五錢 麥門冬 右末煉蜜丸梧

子大硃砂五錢為衣每服五十九白湯下

又讀書方

菖蒲遠志桂甘草 地骨人參巴戟天
倍煮茯苓糊丸服 讀書日記萬千言
狀元丸 教子第十方

菖蒲 去毛 遠志 甘草水者去 白茯苓 去木 巴戟

天 心 五錢 人參 地骨皮 三錢 各

右末用白茯苓去皮二兩糯米二兩共為粉

用石菖蒲三錢煎濃湯去渣打糊為丸每食

後午時臨睡各服三五十九

大宮詹少溪吳馭閱校

終

大宮... 卷之...

大宮...

...

...

...

...

...

...

...

...

